



Arkivnr: 2014/23871-1
Saksbehandlar: Katharine Louise Clarke

Saksframlegg

Saksgang

Utval	Saknr.	Møtedato
Fylkesutvalet		04.12.2014

Endringar i politisk deltaking i dei tematiske arbeidsgruppene i Nordsjøkommisjonen

Samandrag

I sak 121/11 frå 23. juni 2011 vedtok Fylkesutvalet mellom anna at "(...) fylkeskommunen styrker sitt engasjement i den internasjonale organisasjonen CPMR/Nordsjøkommisjonen". Som oppfølging av dette vedtaket utpeika Fylkesutvalet på møtet 22. mars 2013 ein representant frå Fylkestinget til kvar av dei fem tematiske arbeidsgruppene i Nordsjøkommisjonen. Desse verva blei fordelt mellom partia i posisjon og opposisjon. Følgjande blei valt til å representere Hordaland:

<u>Tematisk gruppe</u>	<u>Navn</u>
Culture and tourism:	Helge Andre Njåstad (FrP)
Economic development:	Mona Hellesnes (V)
Transport:	Tom Skauge (SV)
Energy and climate change:	Torill Selsvold Nyborg (KrF)
Marine resources:	Tom-Charster Nilsen (H)

Tre representantar må no erstattast. Helge Andre Njåstad har gått ut av Culture and tourism som følge av at han blei vald inn på Stortinget hausten 2013. Silje Hjemdal (FrP) har deltatt på møta i Culture and tourism etter dette. Tom-Charster Nilsen blei vald som president i Nordsjøkommisjonen i juni 2014 for ein periode på to år og kan difor ikkje halde fram som representant i Marine resources. Mona Hellesnes ønskjer å fråtre som representant i Economic development.

Forslag til vedtak

1. Fylkesutvalet vel følgjande representantar til å representere Hordaland fylkeskommune i dei 3 tematiske arbeidsgruppene i Nordsjøkommisjonen der det manglar fast representant i dag

- Culture and tourism: _____
- Economic development: _____
- Marine resources: _____

Rune Haugsdal
fylkesrådmann

Bård Sandal
fylkesdirektør regional utvikling

Saksframlegget er godkjent elektronisk og har derfor inga underskrift.

Fylkesrådmannen, 27.11.2014

Bakgrunn

Fylkesutvalet behandla 23.06.11 sak 121/11 om Hordaland fylkeskommune si deltaking i internasjonale organisasjonar. Her vart det mellom anna vedtatt at "(...) fylkeskommunen styrkjer sitt engasjement i den internasjonale organisasjonen CPMR/Nordsjøkommisjonen". Nordsjøkommisjonen sine tematiske arbeidsgrupper står for dei fleste aktivitetane i organisasjonen i tida mellom generalforsamlingane. Aktiv deltaking i desse arbeidsgruppene er difor den mest effektive måten å få konkret nytte av medlemskapen i Nordsjøkommisjonen.

Om arbeidsgruppene

Nordsjøkommisjonen har per i dag fem tematiske arbeidsgrupper:

- Kultur og reiseliv
- Innovasjon & utdanning
- Marine ressursar
- Berekraftig utvikling
- Transport

Arbeidsgruppene skal både drive med politikktutforming (som dokumentet *North Sea Region 2020* og høyringsuttaler til EU-systemet) og utarbeide forslag til konkrete samarbeidsprosjekt. Kvar gruppe vel politikarar frå medlemsregionane som *chair* og *vice-chairs* (til saman tre representantar). I tillegg til desse, er det ein fast rådgjevar i sekretariatsfunksjon. Ut over dette er medlemsregionane fri til å stille med deltakarar på møta. Gruppene har som regel to møter i året, i tillegg til arrangement i samband med generalforsamlinga i juni.

Aktiv deltaking

Aktiv deltaking i arbeidsgruppene er eit effektiv verkemiddel for å skape styrka engasjement i organisasjonane. Det syner at aktiv deltaking aukar utbytte av medlemskapen og at det gir seg utslag i ny kompetanse, nye nettverk og politiske påverknadsmulegheiter. Det er og mogleg å søke auka påverknadskraft gjennom å stille som kandidat til leiarposisjonane i gruppene.

Fem medlemmar av fylkestinget i Hordaland ble utpeika som fast representant for Hordaland fylkeskommune i dei respektive arbeidsgruppene på Fylkesutvalet i mars 2013. Men det er naudsynt å finne nye representantar etter det har skjedd endringar i arbeidsposisjonen for fleire av desse.

Prinsipp for deltaking i dei tematiske arbeidsgruppene

- Dei folkevalde representantane deltar på ordinære møte i dei respektive gruppene. I tillegg kan ein delta på eventuelle fellesmøte eller felleskonferansar
- Deltaking på Nordsjøkommisjonen si generalforsamling vert vurdert i høve til aktuell tematikk for arbeidsområde. Deltaking på generalforsamlinga vert vurdert i samråd med fylkesordførar.
- Fylkesutvalet skal ha munnleg/skriftleg rapportering etter kvart møte ein har delteke på

Administrativ støtte

Fylkesrådmannen stiller nødvendig administrative støttefunksjonar til disposisjon for førebuing/gjennomgang av møtedokument, møtedeltaking og oppfølging/rapportering. Fylkesrådmannen har utpeika faste administrative personar som følgjer dei ulike arbeidsgruppene.

Økonomi

Medlemsavgifta i CPMR for 2011 var på 6513 Euro, samt 3294 Euro i tillegg til Nordsjøkommisjonen. Med ein eurokurs på 8 kroner gir dette ein totalkostnad på 78 450 kr.

Politisk deltaking i dei tematiske arbeidsgruppene vil gi ein årleg kostnad berekna til 30 000 kroner per gruppe¹ - totalt 150 000 kr.

¹ Utrekninga bygger på at kvar representant deltar på to gruppemøter i året, i tillegg til Generalforsamlinga i Nordsjøkommisjonen – med gjennomsnittleg 10 000 kr i kostnader for kvart arrangement.